

Сәкен қазақтың мактандышы



Был Жаңаарқа және де бүкіл қазақ елі үшін мактандышқа айналған, сұлулықтың символы болған, дауылпаз ақын, жазушы, мемлекет әрі қоғам қайраткері Сәкен Сейфуллиннің 130 жылдық мерейтойы.

Сәкен қазақтың қайталанбас тұлғасы, біртуар перзенті. Жазушылар Одағы президиумының мүшесі болып сайланған.

Өмір атты теңізде қолдарына қалам алып дүние сырына тоймай тамсана жазған талай дана адамдар болды. Өмірге жүлдіз болып келетін, халықтың еркесі, халық жүгін көтеретін дара адамдар, дарынды жандар азғантай. Бірақ қазақ әдебиеті поэзия әлемінде әлемдік деңгеймен

салыстырғанда 20 ғасырда кенже қалған емес. Керісінше өзінше жаңа қырымен дами бағастады.

Қандай марғасқа, жаны жайсан адамдар өмір сүрді сол кезенде. Әр ақынның өз келбеті, өз жан дүниесі болады. Егер ақынға сезім мен сұлулықты, қосып берген жағдайда одан нағыз шедевр дүниелерді күтүге болады. Қазақтың маңдайына біткен Сәкен Сейфуллин дәл сондай сері адам болатын.

Міне, был Сәкен Сейфуллиннің туғанына 130 жыл толып отыр. Сәкен Сейфуллин сегіз қырлы, бір сырлы. Жерлес ақыннымыз әдебиеттің үш жанрында қалам тербеген. Сәкенді біз ақын, жазушы, драмашы, сазгер, қоғам қайраткері дейміз. Поэзия, проза, драматургия саласында біраз енбектерін қалдырыды.

Тарихи түрғыда, қазақ тіліне мемлекеттік мәртебе алып берген Сәкен Сейфуллин екенін ұмытпайық. Өйткені қазақтың арғы-бергі тарихында мәселені Сәкендей мемлекеттік деңгейде қойған казақ қайраткерлері болған емес.

Сәкен Сейфуллин - Жаңаарқа елінің символы, сапалық эталоны іспетті. Кітапханамында жыл сайын Сәкеннің туған күні аталаң өтіп, іс-шаралар өткізіліп, естеліктер айтылады.

Арайым ЖАНАТҚЫЗЫ,

С.Сейфуллин атындағы орталықтандырылған кітапханалар жүйесі
ақпараттық-библиографиялық болім кітапханашысы